

王

國

典

禮

王國典禮卷之四

奉

勅督理宗學 周府宗正勤美編集

田地

洪武初令凡民間賦稅自有常額諸人不
得於

王府妄獻田土山場窯冶遺害於民違者治
罪

成化六年題

准各王府

欽賜田土佃戶照原定則例將該納子粒每畝
徵銀三分送赴本管州縣上納令各該人
員關領不許自行收受

弘治二年令各處

王府不許置買田地霸占民業

十一年令今後額辦錢糧田地不許

王府奏討

十三年題

唯凡軍民人等將爭競不明并賞過及民間起
科僧道將寺觀各田土朦朧投獻

王府投獻之人問發邊衛永遠充軍田地給
還寺觀及應得之人管業其受投獻家長
并管莊人叅究治罪

十五年議定各

王府莊田地土店肆等項如有強奪侵占并
管莊人役生事害民撫按官等問發遣應
叅奏者叅奏

十七年以

魯府鎮國將軍陽銖條議令各

王府不許分外陳乞田地課程等項若奸頑
之徒投獻撥置而承奉張史等官不能以
道匡輔者均罪之

實錄

嘉靖二十四年題

准各王府除

欽賜地上不動外其空閒官田并軍民徵糧地
土敢有私自投獻捏契典賣者許被害之

入告發所在官司卽與丈量明白改正還
官給主投獻之人照例問發

四十三年令河南各

王府郡王而下但有置買民田者盡數查出
附與原賣各里甲項下卽以佃戶的名編
立戶籍凡正雜差役俱要與平民一體派
編先將查過田糧造冊二本一本啓

親王一留有司以便稽查民間有願將田地
賣與

宗室者先將田糧數目報官以憑附冊編差
違者以投獻論

隆慶二年令天下有

王府去處或有儀賓軍校誘引奸豪投獻田
宅及

宗室公然僭名置買恃強不納差糧者有司
驗契查實先將投獻人依律究遣田宅入
官另給軍民管種輸租以補各

宗祿糧之缺中有

宗室執留占恡就照民間編納差糧則例儘數抵扣應得祿糧方行補給有司濫受饋遺阿縱不舉者撫按究劾重治

又奏定凡田地係百姓徵糧者止納應辦糧草不許

王府重徵子粒係撥付

王府者專出子粒就將糧草除豁地如不足原數卽查附近空閑無礙地土照例撥給隆慶六年令陝西撫按備查

宗室見種民田某府將軍中尉每位下見種
某州縣某里某甲某人田地若干應派稅
糧若干其銀若干造冊呈院印發各該府
收貯隆慶五年以前拖欠者照舊追納外
自後如遇各

府宗室關支本年分祿米之時計其應納稅
糧銀兩按冊照數扣除年終造冊奏繳清
冊送部查考

一凡

王府人役假借威勢侵占民田穰奪財物致傷人命除真犯死罪外徒罪以上俱發邊衛充軍

一凡

王府管莊佃僕人等占守水陸關隘抽分搶取財物挾制把持害人的邊衛永遠充軍一各

王府違例收受子粒并爭訟地土等事與軍民相干者聽各衙門從公理斷長史司不

許濫受詞訟及將干對之人占愆不爇會
宣德中

寧王權奏乞

賜南昌府附近灌城一鄉田土俾衆子耕種爲
自給之計

上諭行在戶部臣曰古人云王者當食租衣稅
今有歲祿足矣一鄉之田民所衣食奪以
與

王民將謂何且

王居國江西固當恤民豈可奪民以自養宜
遣人往勘灌城一鄉果皆閒田否待報處
置

勤美曰

皇祖分封

諸子祿以萬鍾而頒田之令不見方冊後

藩王土田或

欽賜或請乞亦視一時

恩數厚薄固鮮定額要以尺寸王土皆屬民人

衣租食稅既取給縣官何庸別供湯沐而
格外之恩乃據以爲例額外之予又必欲
取盈乎嗟乎安得五丁再鼓闢田之力使
亥步無窘而式廓日增以供馭富億萬世
邪

祀禮

凡

王國祀典洪武六年定

王國宮城外立

宗廟社稷等壇

宗廟

立於王宮門左與朝廷太廟位置同

社稷

立於王宮門右與朝廷太稷位置同

風雲雷雨山川神壇

立於社稷壇西

旗幟廟

立於風雲雷雨山川壇西司旗者致祭用系一祝帛香燭酒果

又定凡祭五祀

司戶之神

于宮門左設香案正月初四日門官致祭

司竈之神

于厨舍設香案四月初一日典膳官致祭

中霤之神

于宮前丹墀內近東設香案六月土旺戊日承奉司官致祭

司門之神

于承運門稍東設香案七月初一日門官致祭

司井之神

于井邊設香案十月初一日典膳官致祭

十一年定

王府社稷無配位社稱國社之神稷稱國稷

之神

社稷

春秋仲月上戊日祭

一社稷壇方三丈五尺高三尺五寸四出陛各三級壇面之土止用所封國方色壇北向社主以石爲之長三尺五寸方一尺五寸剡其上埋於壇南正中止露圓尖爲瘞坎于壇之西南繚以周垣四面各建靈星門一座北門之外建屋五間左右列戟西門之外稍南建神厨三間神厨之南建神庫三間皆東向厨前有井外又爲重垣四

面各有門西門之外稍南建宰牲房三間
中鑿宰牲小池

一設神位先期奉祠所官設國社位于壇南

方之左國稷位于壇南方之右皆北向

之左在西
其右在東

一陳設

每壇

帛一

黑色

羊一

豕一

籩八

豆八

簋二

簋二

鉶二

登一 爵三

一齋戒正祭前四日奉祀所具本啟聞於午
後沐浴更衣於齋宮次日爲始齋三日凡
齋戒之日不飲酒不茹葷不弔喪問疾不
聽樂不行刑不判署刑殺文書不預穢惡
事

一省牲正祭前一日清晨設香案于宰牲房
外導引官四員導

王常服詣牲位啟省牲執事者牽牲過香案

前訖啟省牲畢遂宰牲以盤盛毛血侑祭
瘞之

一正祭其日昧爽

王具皮弁服文武官祭服典儀唱樂舞生就位執事官各司其事導引官四員導

王詣拜位內贊啟就位典儀唱瘞毛血執事者以毛血瘞於坎內典儀唱迎神典樂舉麾唱迎神樂奏廣清之曲候樂作內贊啟鞠躬四拜興平身樂止典儀唱奠帛行初

獻禮典樂舉麾唱初獻樂奏壽清之曲武
生舞武功之舞執事者捧帛爵獻於神位
前讀祝官取祝跪于神位之左內贊啟跪
典樂唱讀祝讀訖內贊啟俯伏興平身樂
作通贊同唱百官俯伏興平身樂止典儀
唱亞獻禮典樂舉麾唱亞獻樂奏豫清之
曲文生舞文德之舞執事者舉爵進獻如
前儀訖樂作典儀唱終獻禮典樂舉麾唱
終獻樂奏熙清之曲文生舞文德之舞執

事官進爵如亞獻儀訖樂止典儀唱飲福
受胙典膳以福酒及胙自神位前由正門
左捧出內贊啟跪搢圭典膳以福酒跪進
內贊啟飲福酒訖典膳以胙跪進內贊啟
受胙訖啟出圭俯伏興平身內贊啟鞠躬
四拜平身通贊同唱百官四拜典儀唱徹
饌典樂舉麾唱徹饌樂奏雍清之曲執事
官各詣神位前徹饌訖樂作典儀唱送神
典樂舉麾唱送神樂奏安清之曲內贊啟

四拜通贊同唱四拜樂止興儀唱讀祝官
捧祝掌祭官捧帛各詣瘞位興樂舉麾唱
型瘞樂奏時清之曲內贊啟禮畢

一祝文

維某年歲次某甲子某月日

某王某敢昭告于

國社之神

國稷之神曰惟神司土與穀生成以時爲民
立命凡有國者必有春祈秋報某欽承

上命世守其邦理當依期而祭謹用牲醴庶品
奉茲常祀伏惟昭鑒尚享

山川

春秋仲月上旬擇日致祭

一山川壇壇方三丈五尺高三尺五寸四出
陛各三級南向設燎所于壇之東南繚以
周垣四面各建靈星門一座南門之外建
屋五間左右列戟西門之外稍北神厨三
間神厨之北建神庫三間皆東向厨前有
井外又爲重垣四面各有門西門之外稍

北建宰牲房三間中鑿宰牲小池

一設神位先期奉祠所官設風雲雷雨之神
居中封內嶽鎮海瀆山川之神次之皆南
向城隍之神居左西向位之多寡視山川
而損益之

一陳設

每壇

惟風雲雷雨一壇用帛四爵十二

帛一

白色

羊一

豕一

邊八

豆八

簋二

簋二

鉶二

登一

爵三

一行禮與社稷同但不瘞毛血改詣瘞位爲
燎位及樂歌不同

一祝文

維某年歲次某甲子某月日

某王某敢昭告于

風雲雷雨之神

封內岳鎮海瀆山川之神

城隍之神曰維神妙運于天效靈于地贊輔

玄化以祐兆民某受封大邦典茲群祀式
陳禋祭以答洪庥尚享

旗纛

霜降日祭無兵衛

王府免

一旗纛廟中爲屋三間南向設燎所于廟之
東南繚以周垣南爲門屋三間廟屋之內
稍左爲神龕一以藏神位

其神厨寧牲房
與山川通用東

爲便門以
通出入

一齋戒

正祭前二月獻官齋戒如儀

一省牲

正祭前一日獻官省牲如儀

一設神位先期奉祠所官迎旗纛設于廟之中纛之前設案以安神位

一陳設

帛一 白色 羊一 豕一 籩六

豆六 簋二 簋二 鉶一

爵三 酒罇三

一行禮通贊唱執事者各就位陪祭官就位
獻官就位唱瘞毛血贊四拜唱奠帛行初
獻禮贊詣盥洗位引禮引獻官詣盥洗所

盥手訖贊詣酒尊所執事酌酒詣神位前
跪捧帛者以帛進獻官受帛以授執事者
置于案執爵者以爵進獻官受爵以授執
事者奠于神位前贊讀祝讀祝者取祝跪
于獻官之左讀訖俯伏興復位唱行亞獻
禮執事以爵進奠于神位前終獻禮同唱
飲福受胙引禮引獻官詣飲福位跪執事
以酒進贊飲福酒執事以胙進贊受胙俯
伏興復位贊兩拜唱徹饌送神贊四拜唱

讀祝者捧祝進帛者捧帛各詣燎所唱禮
畢

一祝文

維某年歲次某甲子某月日

某王遣某官某致祭于

旗纛之神曰惟神將帥之指麾三軍之司命
助揚威武有功國家茲當季秋謹以牲帛
醴齊用伸常祭惟神鑒知尚享

一五祀遣官致祭用常樂不飲福受胙

一祝文

維某年歲次某甲子某月日

某王遣某官致祭于

司戶之神曰惟神職司于戶出入由之晝啟
暮闔以嚴內外時維孟夏用遵古典

司竈之神曰日用飲食必資於竈爨有常所
神實司之時維孟夏用遵古典

中霤之神曰惟神典司堂室以相居處內外
均安惟神是賴時維季夏用遵古典

司門之神曰惟神職司于門謹戒出入晝啟
暮闔以順天時茲惟孟秋用遵古典

司井之神曰惟神職司于井浚發源泉其用
日新以供飲食時維孟冬用遵古典

宣德間行在禮部言

潘府長史司呈本國見有喪禮稽於經有喪
者不祭社稷山川等神宜令停祭從之

天順間禮部奏

伊府長史司左長史金潤等言本年八月初
六日應祭社稷山川等神而洛陽王并臣
等俱居伊王喪恐未可以承祭臣等議禮
不以私喪廢公祀今洛陽王雖有父服其
社稷山川之祭宜令主祭二禮皆裁自禮
官各執一說莫以

親王有喪令

世子或長史代行俟其免服而後承祭庶爲得禮之

中乎

命諸王國於外城東南立先農壇以仲春之月擇日致祭躬耕籍田

日食救護

洪武間

秦相府奏

請王府救護日月薄蝕之禮禮部議曰周禮鼓人救日月則詔王鼓春秋傳曰非日月之

青則不鼓書曰辰弗集于房自古今日月
之災自天子至於庶人皆不遑寧處則
親王亦當救護但

王府崇嚴之地百官會進而鼓於理未宜今
議凡遇日月食

親王止於露臺行禮不鼓大小官員則鼓於
布政按察二司

宗廟

一建立

宗廟繚以周垣正廟七間後建寢廟五間中
三間設龕五各安神主一世居中二世居
左三世居右四世居次左五世居次右六
世則以世次而祧惟始封之主不祧左右
三間爲夾室以藏祧主遇祭則奉神主出
正廟行事始祖居中次四位分昭穆左右
列坐門屋五間左右列戟兩廡各五間門
外左建神庫三間右建神厨三間門外爲
重垣中建靈星門左建宰牲房三間右爲

便門以通出入

一齋戒

一省牲

俱如山川儀

一陳設

每室

帛一

白色

羊一

豕一

籩八

豆八

簠二

簋二

鉶二

登一

爵三

一正祭

王具冕服文武官祭服典儀唱樂舞生就位
執事官各司其事典儀唱迎神典樂唱迎
神樂奏翕清之曲樂作內賛唱鞠躬四拜
興平身樂止典儀唱奠帛行初獻禮典樂
舉麾唱初獻樂奏純清之曲執事捧帛跪
獻于

神位前讀祝官取祝跪于

神位之左內賛啟跪典儀唱讀祝讀訖內賛
啟俯伏興平身樂作通賛同唱各官俯伏

興平身樂止典儀唱行亞獻禮典樂舉麾
唱亞獻樂奏皦清之曲執事者舉爵進獻
如前儀樂作典儀唱行終獻禮典樂舉麾
唱終獻樂奏繹清之曲執事官進爵如亞
獻儀訖典儀唱飲福受胙典膳以福酒及
胙自神位前由正門左捧出內贊啟跪搗
圭典膳以福酒跪進內贊啟飲福酒訖以
胙跪進內贊啟受胙訖出圭俯伏興平身
內贊啟鞠躬四拜興平身通贊同唱各官

四拜典儀唱徹饌典樂舉麾唱徹饌樂奏
協清之曲執事官各詣

神位前徹饌訖樂作典儀唱送神典樂舉麾
唱送神樂奏永清之曲內贊啟四拜通贊
同唱四拜樂止典儀唱讀祝官捧祝掌祭
官捧帛各詣燎位禮畢

一祝文

考妣上稱顯高曾祖皆同祭高祖則稱孝玄孫嗣某王其餘倣此

維某年歲次某甲子某月日孝子嗣某王
某敢昭告于

顯考某王顯妣某妃

日氣序流易時維

孟春孟夏孟秋孟冬歲暮

謹以牲帛醴齊用伸常祭尚享

一凡遇

宗廟忌日則奉當忌

神主出于廟告祭如前儀但不作樂不飲福

受胙素服行禮

一凡月朔奉祠所同典膳所官具時新果品

酒醴奉

神主于廟告祭常服行四拜禮

一凡

親王無嗣者從祀于

太廟

郡王無嗣者從祀于

王國宗廟

其犯大逆者不在此例
鎮國將軍以下倣此

一凡

親王 郡王各以始封之

王爲祖輔國將軍以鎮國將軍爲祖惟宗子

立廟支子皆從祭于宗子之家自輔國將

王國典禮 卷之四 三
軍至奉國中尉皆倣此

一凡嗣

郡王無封土者各立家廟奉祀其先四時以
禮致祭贊禮執事人員臨期於附近有司
撥用祭物就本

王國奉祀所供辦輔國將軍以下各立家廟
四時依家禮祭祀 皇明典禮

宣德二年令

王府祭

宗廟用宋朱文公家禮

周王肅於國中作殿奉祀

太祖高皇帝

成祖賜之書曰禮支子不祭王國廟祀則肇於
始封之

王若

太祖高皇帝之祀

朝廷自有宗廟

王其審禮而行 永樂實錄

正統間

周王有爵疏

請加生母胡夫人位號同於

宗廟東一室南向下禮部議謂諸侯不再娶

於禮無二嫡胡夫人宜仍舊號祀於別室

正統
實錄

正德七年

鄭王祐澤奏臣先以郡王進封爲王乞追封

故父

東垣端惠王爲親王并入廟歲祀禮部議
鄭王進位盖以紹

康王之封

東垣雖親有不得而子之理不允

八年

淮康王世子見康早卒無子

康王老

請以次子

靖江王見殿攝府事

淮康王薨見殿尋卒其長子祐

改襲爲

淮王其祭祀祝文欲稱

安王爲王伯

靖江王爲王考禮部覆議祐

改旣入進爲

親王當爲

淮王後如

靖江王祀事宜令次子祐

癸主之著爲令

嘉靖八年

代府管理府事

恭順王充燿奏臣考

懿王當祔廟而代自始封

簡王至

思王已盈五廟之數

請定祔廟之

制下禮部議尚書李時言

親王祔祔之禮會典未載臣等竊謂當推

太廟祔祔之禮而降殺之今

代府之廟當以始封

簡王居中百世不遷次 戾王 隱王 惠王 思王 爲五世今 懿王入祔則 戾王當以親盡而祔但諸侯無祔廟 戾王神主宜祔祔入 簡王之室置櫝藏之 隱王 惠王 思王以次上遷而 懿王神主升祔于第五廟每歲暮則出祔主行合祭之禮庶於禮制隆殺得宜

詔如議

嘉靖三十三年禮部言寧府宸濠旣以反

誅其大宗宗廟已毀小宗支屬猶存始封之王不可無祭而已毀之廟不當復建此所謂禮之變而當議處者也始本部議

請獻惠二廟每一易世

欽定一郡王奉祀蓋卽本有之廟而定祭祀

之禮將以息覬覦爭競之私耳今諸宗室各執一說紛紜奏擾在樂安則曰惠

王小宗之首在建安則曰獻惠有

服之孫在弋陽長子多焜則執父管理

故事一定不移雖言各有據然皆不知毀
廟無復建之理而郡王有不可踰之分
蓋私而不能斷之以義者也臣等竊惟
獻惠二王墳所各有享殿而樂安
戈陽建安諸府各有家廟每遇歲時正
旦清明中元霜降冬至等節各府同差儀
賓一員詣享殿致祭其祭品卽輪流供辦
而祝文序列諸王之名庶祭旣不黷而
追遠之孝可伸惟獻王則每歲立春用

古者祭先祖之義各府各設位于家廟致祭而以始封郡王配享其祭儀俱從生者制度不得僭用親王禮樂庶情旣得盡而分亦不踰其原齊郎舖排屠戶厨役及添撥校尉諸人盡行裁革每年有司于均徭內加徵銀一百五十兩三府教授分領回府以供祭費

嘉靖三十六年

勅建德王厚焮管理徽府事有司因言徽雖除

國宗廟猶存

請命理府事者主之而以有司主其社稷之祀
詔可

勤美曰古者立國首重民事故必虔祀社
稷而境內山川得秩望焉今卽衣食縣官
然猶之帶礪則猶之報祈也闕宮几筵思
敬攸繫昔者跛倚從事不欲觀之魯事竟
何如矣清廟之詩曰對越在天駿奔走在
下夫對越豈易言哉

之國

一凡

親王之國洪武初定

王之國之日百官送至龍江關後定是日

上御奉天門早朝畢文武百官稍退侍立

上降寶座後坐

王冕服由

左順門內引二人朝服前導由東第二橋上

奉天門至

御前行五拜禮

上賜

王酒飲訖叩頭

上起送

王至東階上

王叩頭下

上目送出

午門

王復叩頭闔門

上還宮百官不送惟先一日早起

王府行辭禮

又定凡

王之國祭祀禮用豕一羊一葷素各一壇祭
于

端門不用制帛後罷

端門祭用葷素二壇祭于

承天門外

凡

王之國所過州縣文武官迎接便服行四拜
禮凡沿途合祀神祇近者大小皆親祭遠
者望祭仍先遣奉祀官灑掃社稷山川壇
及旗纛廟預備祭物

王將到國前三日致齋至城外本處文武官
率耆老出城迎接不行禮導

王詣社稷山川壇祭祀各官及耆老隨班陪
祭禮畢送

王至宮陛殿行賀禮

凡

王在途遇

詔赦迎接行禮畢先退不聽開讀凡遇進賀表

箋一體具服行禮

天順五年奏

唯凡

王從舊

王府城外經過許出相見隨即回府若不從
城外經過者不許

弘治間議定先期辭

長陵等陵臨行日

王自祭

承天門之神遣官祭大通河之神

一沿途祭應祀神祇并至封國告祭社稷
山川等神俱翰林院撰祝文禮部差官着
落所在官司支給官錢買辦祭物

一國內社稷山川壇各一所各該神厨神
庫宰牲房各三間旗纛廟一所正殿五間

神厨神庫各三間及樂舞生樂工人等衣服冠袍樂器祭器祭服俱工部預行置造一合用樂舞生一百二十名齋郎四十名禮生一十名鋪排一十名屠戶一十名醫士二名厨役四名樂工二十七戶燒香道士四名該布政司着落附近府州縣照例僉送應用

又議

准通州搭盖席殿正殿三間儀門一間廂房六

間四圍席墻以候朝謁其承奉等官廠房
及氍毹綵絹之類量爲減省經過軍衛有
司驛傳相離水次寫遠者俱以通州爲則
其餘驛傳近水去處止預先整飭潔淨量
掛綵幕不必再行搭蓋違者差去官指實
叅奏凡

親王出府關馬一百匹及倒死補給例於太
僕寺寄養內選取送御馬監印烙給軍典

俱會

凡

親王之國賞賜金一千兩銀一萬兩鈔一萬

錠紵絲三百疋紗羅各一百疋絹夏布綿

布各一千疋白綿五百斤

皇明典禮

凡

親王之國永樂間定厨料醬一百斤香油五

十斤椒二十斤乾魚一百斤醃羊一隻子

鱗魚四十斤醃猪一口醃鵝一隻醃鹿一

隻醃鹿二隻醃鷄九隻白麵一百斤茶芽

五斤茶葉二十斤醬瓜四十條黑沙糖十
斤藕煎五斤木瓜湯煎五斤醬茄一百五
十箇醋蒜三百箇酒五十瓶醋二十瓶芝
麻一石糖茄一百五十箇米三石

宣德間仍加猪二十口羊二十隻酒一百
瓶

成化間令經過有司去處送鵝二隻時新
菜蔬供用

會典

初朝

凡慶賀

親王之國洪武十八年定其日設儀仗於露臺上下之東西設大樂於露臺上東西北向陳金鼓旗於承運門外軍職官員各守殿及

王城門設文武官拜位於丹墀文東武西設贊禮官二員於文武官拜位之北東西相向護從執事等官先詣圓殿後候典服官啟請

王具冕服訖典儀啟執事者先行四拜禮畢
各就位典儀啟請

王陞殿導引官前導大樂作陞座訖樂止贊
排班引禮引文武官就拜位贊班齊鞠躬
樂作四拜平身樂止引禮引班首陞自東
階由殿東門入至殿中贊跪外贊同贊跪
班首衆官皆跪班首致詞云某官某等敬
惟

殿下欽承

上命至國之初禮當慶賀如係

王府官則稱

臣

某等後同內外贊俯伏興引

禮引班首復位贊鞠躬樂作四拜平身樂止典儀詣殿中跪啟禮畢樂作導引

王還宮樂止各官以次出

一凡

王妃到國洪武十八年定五品以上命婦出城五里迎接送到宮行八拜禮

洪武十一年令禮部定

親王之國命婦朝見

王妃儀曰按古禮婦人迎送不出門今令
王妃隨

王之國命婦不必郊迎惟具服詣宮朝見

元旦

凡慶賀正旦禮

王冕服文武官朝服四拜班首由東階陞殿
致詞云某官某等茲遇三陽開泰萬物咸
新敬惟

殿下茂膺多福賀畢俯伏興復位又四拜禮畢

長至壽誕

凡冬至

王壽日禮同惟改致詞冬至云茲遇節應黃鐘日當長至敬惟

殿下茂膺多福壽日云茲遇

殿下壽誕之辰某等敬祝千歲壽

凡慶賀正旦冬至

王壽日惟

王府官屬及附郭衙門文武官員稱賀在外
各衛所府州縣衙門預期摘撥佐貳官或
首領官一員至日隨班行禮其有出使官
員一體隨班其正旦朝賀行四拜禮命婦
一人爲班首致詞云某封某氏等茲遇

正旦

云履端冬
至云履長之節敬詣

王妃殿下稱賀如

王府官命婦爲班首則稱妾某封某氏等後

同興復位四拜禮畢其遇

王妃壽誕禮同惟請

王妃前致詞云某封某氏等敬惟

王妃殿下壽誕之辰祝千歲壽其命婦班次

照夫品級

此款今多不行

凡

世子千秋正旦冬至本國官員行賀禮便服
四拜不稱贊致詞出入經過官員迎接及
到國各衙門官員行賀禮俱便服四拜

王國典補
洪武十九年定在外府州縣衛所及守邊
衙門不必慶賀遇有事務許首領官承差
人等具本啟聞並不許差遣將官有妨公
務

實錄

正德十三年令凡

王府節旦慶賀其總兵撫按等官俱照出使
官員例便服行四拜禮

嘉靖九年議

准王府節旦慶賀三司等官具朝服行禮不許

槩稱使臣一體便服

朝服去蔽膝四品以下并去佩會典及洪

武實錄

常見

洪武十八年定每日

王府官屬常朝依文武左右班立遇朔望本處守禦衛分及府州縣等官朝見各照品級依文武東西列班行叩頭禮畢四品以上及長史紀善入殿五品以下於丹墀東西序班立北向若有事召見者不在朔望

之限又

王府凡有辭見官員人等每日早晚俱引見
又令

王所居城內布政司都指揮司并衛府州縣
雜職官皆於朔望日至

王府門候見若有事召見者不在此限
俱祖訓

嘉靖元年定文武官員見

王止稱本官職銜朝見及慶賀之時行四拜
禮不叩頭朔望隨班行禮之時行一拜叩

頭禮

嘉靖實錄

稱呼

洪武三年命禮部尚書崔亮議百官及內使監官于

親王前稱殿下自稱名

王府官及承奉司官于

親王前稱殿下自稱臣百官在

上前稱

親王曰某王

洪武二十八年令

靖江王庶子稱王子發放言語稱裔旨一應
官員人等參見并時節慶賀常服行四拜
禮常見行一拜禮不叩頭

洪武實錄

永樂元年

命禮部自今諸司事務承受于

親王者書云

某王令旨

禮節

凡

親王

皇太孫

皇曾孫

王世子

王世孫

郡王

郡王長子并鎮國將軍以下相見各

叙家人禮

典禮

景泰六年定

世子與

郡王行禮該部議得以宗子法言之則以長
嫡爲重以家人禮言之則以尊卑爲先凡

遇節令行公禮則當依宗子法重在

世子家庭往來行私禮則當依家人禮尊歸

叔伯

弘治五年定各

王府郡王鎮國將軍以下爵秩有崇卑凡

遇拜賀節令當以爵秩爲序若家庭私會

則以長幼先後爲序著爲定式

會典

勤美曰

皇祖混一土宇首重建藩大指在培本支以奠

磐石而一切政令稟承

天子故有分體之貴無尾大之嫌保乂厥後慮
至深也其或踰我王度則朝下尺書夕就
請室百世之社屋矣可弗慎與詩曰畏天
之威于時保之書曰慎厥初保厥終吉哉

錫命

附迎節
迎詔故

繳冊印
迎勅

領詔
迎曆

諭使

凡

親王

冊立洪武初

皇帝預告

太廟及期臨軒拜

冊年幼者則遣官保抱以從事

成化末年更定卽日告

內殿廷遣節使就各

王府

冊立之罷預告臨軒之禮

洪武三年定

前期擇日奏告

太廟至日設

寶冊案於殿中

寶冊亭於

丹陛上之東

皇太子侍立位於

御座之東

諸王拜位於

丹陛上及

御座前俱北面其餘陳設侍衛執事俱與
冊

東宮儀同是日早百官執事各就位鼓三嚴
侍儀奏中嚴

皇帝於

謹身殿具袞冕

皇太子於

奉天門具冕服

親王各具九章冕服引班分引文武百官入
侍立位侍儀版奏外辦

皇帝出御奉天殿尚寶卿捧寶及導從奏樂如
常儀鳴鞭司晨報時訖引進四人引

皇太子引禮四人引

親王俱由

奉天門東入樂作陞自東陞

皇太子由殿東門入引進立候於門外內護
接引至侍立位

親王入至丹墀拜位引禮分立於左右樂止
捧受冊寶內使由西陞陞俱入就

丹陛立位知班於丹墀中唱班齊讚禮於
丹陛上贊鞠躬樂作再拜樂止內讚讚承制

官跪承

制訖由殿中門出立於中門外稱有

制讚禮讚

五國典禮 卷之四
親王皆跪宣

制云封

皇子某爲某王某爲某王

皇從孫某爲某王畢讚

諸王皆俯伏興承制官由殿西門入跪於殿

中奏傳

制畢復位讚禮讚

諸王鞠躬樂作再拜樂止讚禮讚行禮引禮

引

秦王由殿東門入樂作引禮立於門外內讚
接引

秦王入至

御座前拜位樂止內讚讚跪讚受

冊寶捧冊寶官於案前跪捧冊授讀冊官內
讚讚讀冊讀冊官跪讀冊訖以冊授丞相
丞相搢笏受冊內讚讚搢圭贊受冊丞相
以冊跪授

秦王捧受冊寶內使跪於

王西捧冊興立於

王西捧冊寶官又於案前跪捧寶授讀寶官
內讚讚讀寶讀寶官跪讀寶訖以寶授丞
相丞相捧寶跪授

秦王捧受冊寶內使跪於

王西捧寶興立於捧冊內使之下內讚讚出
主俯伏興贊復位引禮引

秦王出樂作內使捧冊寶前導出至殿東門
引禮引

秦王復位樂止內使以冊寶置於冊寶亭盡
匣中退立於

丹陛之東引禮引以次

諸王俱入殿受冊寶并內使捧受皆如上儀
畢讀禮讚

秦王以下皆鞠躬樂作四拜樂止內使昇
親王五位冊寶亭前行引禮導

王俱由東階降樂作奉迎冊寶官奉迎出
奉天門東樂止時

齊 潭 魯 蜀四王年幼遣官齎冊寶授
之其儀內讚讚承制官稍前丞相前立於
殿西內讚讚丞相跪承

制訖讀冊寶官捧

四王冊寶俱由中門出內使舁冊寶亭至
丹陛中讀冊讀寶官以冊寶置於盥匣中執
事舁冊寶亭前行授冊寶官丞相一同由
中陛降讀冊寶官由西門入殿復位捧受
冊寶內使四人由西陛降從丞相由

丹陛轉

謹身殿之東進至

王宮門外冊寶亭暫駐於門外正中內使監
官出迎於冊寶亭西南跪東北向授冊寶
官丞相東北立西南向稱有

制宣

制曰封

皇子某爲某王某爲某王畢授冊寶官丞相
出內使監官迎冊寶入宮中授冊寶官丞

相由

王宮門出至

奉天殿前丹墀西轉由西陛陞自西門入殿

跪云宣

制訖俯伏興引禮引

靖江王至

御座前跪受冊寶出復位四拜由東陛降奉迎

冊寶出

奉天東門並如秦晉等儀禮部尚書跪奏

詔書用

寶詣案捧

詔書尚寶卿用寶以

詔書置於案禮部尚書跪奏捧

詔赴

午門開讀興捧

詔由中門出樂作降自中陞授冊寶丞相等官

由西門出降自西階文武百官迎

詔書開讀於

午門外頒行俱如常儀侍儀奏禮畢鳴鞭
皇帝興樂作還宮引進入東門至殿上導

皇太子出樂止是日所司備鼓樂儀衛司備
儀仗於

奉天門西右順門東伺候

親王受冊寶畢出至

奉天門引禮引

親王詣東耳房伺候於

中宮行禮內使昇冊寶亭東門出由西道儀仗

鼓吹前行送至

親王殿各以序奉安於殿內

親王年幼受冊寶儀注

受冊之日內使監官陳設香案於

內殿正中設保抱抱

王受冊位於香案之南設授冊寶內使監官

位於香案之東捧受冊內使位於保抱抱

王受冊位之西捧受寶內使位於捧受冊內

使之南司讀二人位於保抱抱

王受寶位之東西丞相奉迎冊寶至

王宮門外內使監官跪聽

制訖丞相出內使監官迎冊寶亭入宮中置於
香案之北保抱抱

王由東門入樂作至香案前受冊位北面立
樂止司讀讀行冊禮內使監官前立稱有
制內讀讀保抱抱

王皆跪內使監官宣

制曰今封

皇子某爲某王畢內讚讚保抱抱

王興繼讚授冊寶司賓引保抱一人抱

王前立授冊寶監官詣案取冊捧授於保抱
保抱受冊以授於捧受冊內使內使跪於
保抱之左受冊興退立於西授冊寶監官
又詣案取寶捧授於保抱保抱受寶以授
於捧受寶內使內使跪於保抱之左受寶
興退立於西以次受冊寶內讚讚禮畢樂
作司賓引保抱抱

王退樂止執事各以冊寶奉置亭中朝謝

中宮

受冊之日內使監官陳設

皇后御座於中宮殿上

親王拜位於殿庭正中及

御座前內讚二人位於殿上拜位之東西司讚

二人位於丹墀拜位之東西陳設儀仗於

殿庭之東西擎執于殿上之左右樂工陳

樂于殿庭之南

親王于

奉天殿受冊畢司賓引

親王具冕服至

中宮外門東向立內使監官啟聞

皇后首飾褙衣出殿樂作陞

御座樂止司賓引

親王由東階陞樂作就丹墀拜位樂止司賓

分立于前司讚唱鞠躬拜樂作

親王四拜興平身樂止司賓引

親王由殿東門入樂作至殿上拜位樂止內
讚唱跪

親王跪恭謝曰小子某茲受

明命謹詣

母后殿下恭謝謝畢內讚唱俯伏興

親王俯伏興平身司賓引

親王由殿東門出樂作復位樂止司讚唱鞠
躬拜樂作

親王四拜樂止司賓唱禮畢內使監官啟禮

畢

皇后興樂作還宮樂止內官引

親王出

謝

東宮儀注

親王受冊之日內使監官陳設

皇太子座於

東宮侍儀司設

親王拜位於殿庭階上及殿上正中讀禮二

人位於殿庭

王拜位之東西內讚二人位於殿內

王拜位之東西文武官侍立位於殿庭東西
將軍六人位于殿門之左右拱衛司設儀
仗於殿庭之左右樂工設樂於宮門之外
親王於

中宮行禮畢引禮引

親王便服至

東宮門外西向立引進引

皇太子便服出宮樂作陞殿樂止引禮引
親王由東階陞樂作至殿庭階上拜位樂止
讚禮唱鞠躬拜樂作四拜樂止引禮引

王由殿東門入樂作引禮立於門外內讚接

引

王至殿內拜位樂止內讚讚禮同唱跪

王跪

王恭謝曰小弟某茲受封冊謹詣

皇太子長兄殿下恭謝謝畢內讚讚禮同唱

俯伏興平身引禮引

王由東門出樂作復位樂止讚禮唱鞠躬拜
樂作四拜樂止讚禮唱禮畢引進啟禮畢
皇太子興樂作還宮樂止引禮引

王出

親王自行賀及百官賀 諸王儀注

親王受冊之日儀衛司於西宮

親王殿依

親王長幼陳設座位侍儀司設文武官陪立

位於殿庭之東西拜位於庭中文東武西
內讚二人位於殿內東西相向拱衛司陳
設

親王儀仗於殿前之東西樂工陳樂於殿庭
之南讚禮讚各就位

親王於

東宮行禮畢引禮引

親王便服入殿門樂作陞座樂止文武官入
立於殿庭之東西引禮引弟

某王以下諸兄

某王前行禮讚禮唱鞠躬樂作四拜樂止引
禮引文武官入就拜位讚禮唱鞠躬樂作
四拜樂止引禮引丞相由西門入引禮立
於門外至殿上拜位內讚讚禮同唱跪文
武官皆跪稱賀曰某官某等茲遇

親王殿下榮膺冊寶封建禮成無任忻忭之
至賀畢內讚讚禮同唱俯伏文武官皆俯
伏興平身丞相出引禮引復位讚禮唱鞠

躬樂作四拜樂止讚禮唱禮畢內讚啟禮畢

親王與樂作出殿門樂止引禮引文武官以次出

東宮及百官稱賀上表箋儀注

親王受冊寶禮既畢至晚內使監於

奉天殿陳設

御座香案尚寶司設寶案於香案之北侍儀司設表案位於香案之南又設表箋案位於

丹墀北之正中設

皇太子拜位於

丹陛上

御前正中

親王陪拜位各以長幼序於

皇太子拜位之南其餘陳設侍衛執事與賀

冊立

中宮儀同是日侍儀侍從入迎車駕

上位陞謹身殿侍儀版奏中嚴御用監官奏請

上位服袞冕

皇太子

親王於

奉天門東耳房具冕服文武官迎表至

午門前置龍亭於

御道中禮部官取表函置於案舍人舉案宣表
官展表官押表案引丞相前行文武官分
班俱由西門入至丹墀中禮部官押表案
於丹墀正中各就位文武官各就起居位

侍儀奏外班導引

上位御輿以出仗動鼓吹振作尚寶卿捧寶前導侍衛如常儀

上位陞御座樂止尚寶卿捧寶置於案將軍捲簾拱衛司鳴鞭司晨報時雞唱訖諸侍從官殿前班拱衛司官由西階降引班引同宣表官受表官受箋內官俱入起居位東西相向立定通班唱某衛指揮使臣某以下起居引班唱鞠躬平身指揮以下鞠躬

平身引班東西分引至丹墀中拜位北面
立讚禮唱鞠躬樂作兩拜樂止讚禮唱指
揮使稍前指揮使前立讚禮唱鞠躬指揮
以下皆鞠躬讚禮唱

聖躬萬福唱平身指揮使以下皆平身唱復位
指揮使復位唱鞠躬樂作兩拜樂止通班
唱各供事引班引指揮以下官各就位引
進四人導

皇太子

親王由東門入樂作由東陞陞至拜位樂止
引進分立於其前唱鞠躬樂作四拜樂止
引進引

皇太子由殿東門入樂作引進立俟於門外
內讚接引

皇太子至

御座前拜位樂止內讚引進同唱跪

皇太子

親王皆跪

皇太子稱賀云長子某茲遇諸弟某等受封
建國謹詣

父皇陛下稱賀賀畢內讚引進同唱俯伏興平
身

皇太子

親王俯伏興平身內讚引

皇太子出殿東門樂作內讚唱復位引進引
皇太子復位樂止引進唱鞠躬樂作四拜樂

止引進引

皇太子

親王東陞降樂作至文樓樂止司晨再報時
訖通班唱具官臣某以下起居以下百官
稱賀儀與賀冊

中宮儀同

東宮賀中宮儀注

親王受冊次日內使監官陳設

皇后御座於中宮殿上

皇太子拜位於露臺上正中

親王陪拜位序於其後設

皇太子行禮位於

御座前內讚二人位於殿上拜位之東西陳設
儀仗於殿庭之東西擎執於殿內之左右
樂工陳樂於宮門之外

皇太子於

上位前行賀禮畢司賓引

皇太子

親王各具冕服至

中宮門外東向立內使監官啟聞

皇后首飾褙衣出殿樂作陞

御座樂止司賓引

皇太子

親王由東階陞樂作入就露臺上拜位樂止

司賓分立於其前司讚唱鞠躬樂作四拜

樂止司賓引

皇太子由殿東門入樂作至殿內拜位樂止

司賓分立於其前內讚唱跪

皇太子跪稱賀曰長子某茲遇弟某受封建

國謹詣

母后殿下稱賀畢內讚唱俯伏興平身

皇太子俯伏興平身司賓引

皇太子東門出樂作復位樂止司賓唱鞠躬

樂作四拜止司賓唱禮畢內使監官啟禮

畢

皇后興樂作還宮樂止內官引

皇太子

三國史記 卷之四
親王以次出

中宮受內外命婦賀儀注

至日司賓引內外命婦各服其服各俟於
中宮門外之左右俟

皇太子入行賀禮畢內使監官啟聞司賓二
人先引外命婦由西門入序立於庭中左
右二人引內命婦入就拜位司讚唱班齊
唱拜樂作四拜樂止司賓引班首由西階
陞西門入樂作至

御座前樂止內讀司讀唱跪班首及衆內命婦
皆跪班首稱某封某妾某等茲遇

親王受封建國恭詣

皇后殿下稱賀畢內讀司讀同唱興班首及衆
內命婦皆興司賓引班首由西門出西階
降復位司讀唱拜樂作四拜樂止司賓引
內命婦出司賓二人引外命婦入就拜位
唱拜樂作四拜樂止司賓引班首由西門
入樂作至

御座前樂止內讚司讚同唱跪班首以下皆跪
班首稱賀曰妾某氏等茲遇

親王受封建國恭詣

皇后殿下稱賀畢內讚司讚同唱興班首以下
皆興司賓引班首由西門出西階降司讚
唱拜樂作四拜樂止司賓引外命婦以次
出

東宮受百官賀儀注與

東宮初立百官進賀儀同

成化二十三年續定

其日清晨

上親告

奉先殿

用祝文

前期鴻臚寺設節冊寶案於

奉天殿中冊東寶西節居中設綵輿於丹墀
之東教坊司設中和韶樂及大樂是日早
錦衣衛設鹵簿駕

上具皮弁服御

華蓋殿執事官行禮如常儀鴻臚寺奏

請陞殿導駕官前導

上陞座鳴鞭樂作文武百官朝服行叩頭禮侍
班樂止引禮引正副使入就拜位樂作讚
四拜樂止傳制官跪奏傳

制執事官各舉節冊寶案由殿左門出置
御道中傳制官由左門出稱有

制讚正副使跪

制曰某年某月某日冊封第幾子某爲

某王命卿等持節行禮讚俯伏興四拜禮畢

執事官舉節冊寶置於綵輿中用黃傘蓋
及大樂送至

右順門外正副使朝北立仍用內樂迎綵輿
至

王所居門外內執事先設香案於中堂之北
設節冊寶案於香案之南

王先具服候節冊寶將至出迎於門外內執
事捧節冊寶由正門入先行

王隨行至

王所居正中各置於案冊東寶西節居中內
執事導引

王就拜位讚四拜樂作興平身樂止讚宣冊
讚詣冊案前跪宣冊內官取冊立宣訖讚
受冊捧冊內官以冊授

王王受訖以冊授內侍內侍跪受立於西讚
受寶捧寶內官以寶授

王王受訖以寶授內侍內侍跪受立於西讚
俯伏樂作興平身樂止讚復位讚四拜樂

作興平身樂止讚禮畢內導引引

王送節出門外內執事捧節出授正副使報
禮畢正副使持節復

命是日

親王受冊寶畢內侍引詣

奉先殿謁告如常儀畢內侍引

親王詣

皇太后前行八拜禮詣

上前

皇后前俱行八拜禮詣

母妃及

皇妃及

東宮并妃前各四拜禮畢回宮次日文武百

官常服致詞稱賀行禮畢司禮監請

親王具常服詣

奉天門前東廡坐百官常服行四拜禮

以上會典

王國冊封迎節儀注

先期使者持節冊寶印至郭外館驛安下

典儀所設節案于正殿中設冊寶印案于節案東西至日以節冊寶印置于龍亭儀仗導至

王府端禮門外

王率

世子

郡王各具冕服出迎至露臺上正使持節副使捧冊寶印由中門入至正殿以節冊寶印置于案正副使立于案之東西本國文

武官列班于丹墀陪拜

王率

世子

郡王於露臺上行四拜禮執事導受封

世子

郡王詣案前跪使者稱有

制宣冊訖以冊寶印立授

世子

郡王

世子

郡王受冊寶印以授執事興復位又行四拜
禮畢使者持節出百官送節至館驛正副
使復入見

王行四拜禮

皇明典禮
親王襲封禮同

凡遇

冊封

御節到府封內文武官員俱行朝節禮儀有違

慢者指名參奏

要例

嘉靖六年題

王府

親

郡王并

妃冊封儀物等項遣使賚賜

郡王儀仗照舊成造給領外其將軍中尉郡
縣主君鄉君并各儀賓冠服等件例該內
府成造給領工部造辦木櫃扛擡兵部起
關有司應付勞不可勝言合無查照先年

折價事例行令定擬折價給與官錢令其
自行造辦革今每年將及冊封之日禮部儀
制司先行會帖轉送

內府尚衣監內官監銀作局針工局知會候
各監點出

某王 某妃行造已完本部照點開具該封
王妃名數將各該關領物件擇日遣官事宜
及應用木櫃扛索鎖鑰水陸應付脚力類
題請

旨候奉有

欽依方行司禮監照會禮儀

內府各監關領物件兵部水陸應付工部扛
索器具欽天監擇日五府翰林院六科尚
寶司等衙門取應差官員俟欽天監擇有
吉日各衙門取到正副使等官本部題

請于本日先告

內殿傳

制遣官持捧

節冊將合用正副使等官名數開坐請
旨點差欽遵施行

至日正副使具朝服進

朝部堂及本司官與鴻臚寺官入

殿內序立序班舉

節冊案部堂及司官鴻臚寺隨後至

殿陛下置定部堂及司官鴻臚寺官侍班正

副使行禮畢舉

節冊案由

王門出至午門前置 龍亭內教坊司樂作
前導部堂及司官同正副使俱隨後節亭
至本部左廳冊亭至司堂正副使各如前
見堂畢正副使於左廳領

節印副使至司廳領冊前去各府

冊封禮畢回還侯伯至京先一日至鴻臚寺報
名次日本司主事一員帶領辦事官當該
吏用堂印手本同侯伯進印綬監繳

節

冊封關領物件式樣

親王初封用

襲封惟不用寶

金冊一副

冊匣一箇

冊用金二片每片依周尺長一尺二寸闊五寸厚二分五釐鐫刻真書每片側邊上下有竅用紅縹聯貫開闔如今書帙之狀背各用紅錦嵌護藉以紅錦小褥冊盪以木爲之飾以渾金瀝粉蟠螭用紅紵絲襯裏內以紅羅銷金小袱裹

冊外以紅羅銷金夾袂裏之五色小條
縈于匣外

金寶一顆

寶匣一箇

寶池一箇

寶用金龜鈕朱綬文用篆書

某王之寶依周尺方五寸九分厚一寸七分

寶池用金闊取容寶寶匣二副每副三
重外匣用木飾與冊蓋同中匣用金釵
造璠璫內小匣仍用木與外匣同小匣
內置一寶座四角雕璠璫飾以渾金座

上用小錦褥褥上置寶池用銷金紅羅
小夾袂裏寶其匣外各用紅羅銷金大
夾袂覆之

皮弁服

冕服

常服

俱尚衣監領

冊盞服匣一箇 法服匣一箇

護匣木櫃一箇 銷金包袱二箇

俱內官
監領

親王妃用

金冊一副

銀事件全
尺寸同王

金墜頭一箇

俱鑲作
局領

開盤服匣一箇 珠翠九翟冠一項事件全

賜料一副珍珠全 銷金包袱八條俱內官監領

未裁整疋大紅大衫一件

紵絲一件表用紵絲一疋 裏用大紅熟絹一疋零一段

銀絲紗一件表用紗一疋 裏用大紅生絹一疋零一段

線羅一件表用羅一疋 裏用大紅生絹一疋零一段

燕唇服素夾四件

大紅紵絲一件表用紵絲一疋 裏用大紅熟絹一疋

大紅銀絲紗一件表用紗一疋 裏用大紅生絹一疋

大紅線羅一件

表用羅一疋生絹一疋

裏用大紅

青線羅一件

表用羅一疋生絹一疋

裏用青生絹

鞠衣實金繡鸞鳳綵繡圈金雲夾四件

大紅紵絲一件

表用紵絲一疋紅熟絹一疋

裏用大

大紅銀絲紗一件

表用紅生絹一疋

裏用大

大紅線羅一件

表用羅一疋生絹一疋

裏用大紅

青線羅一件

表用羅一疋生絹一疋

裏用青生絹

造完霞帔青線實金繡鸞鳳綵繡圈金雲

二副

各色大帶四條

大紅三條

青一條

紅綿布包袱一條

俱針工局領

世子初封用

金冊一副

冊匣一箇

冊用金厚二分餘同親王

金寶一顆

寶匣一箇

寶用金龜鈕依周尺方五寸厚一寸五

分篆文曰某世子寶綠綬餘同親王

皮弁服

冕服

常服

俱尚衣監領

冊盃服匣一箇

法服匣一箇

護匣木櫃一箇

銷金包袱二條

俱內官監領

世子妃用

金冊一副

銀事件全與世子同

金墜頭一箇

俱銀作局領

冊盃服匣一箇

珠翠七翟冠一項

事件全

烏料一副

珍珠全

銷金包袱八條

俱內官監領

未裁整疋大紅太衫一件

紵絲一件

表用紵絲一疋絹一疋零一段

裏用大紅熟

銀絲紗一件表用紗一疋零一段裏用大紅生

線羅一件表用羅一疋零一段裏用大紅生絹

燕居服素夾四件

大紅紵絲一件表用紵絲一疋裏用大

大紅銀絲紗一件表用紅生絹一疋裏用太

大紅線羅一件表用羅一疋裏用大紅

青線羅一件表用羅一疋裏用青生絹

鞠衣實金繡鸞鳳綵繡團金雲夾四件

大紅紵絲一件表用紅熟絹一疋裏用大

大紅銀絲紗一件

表用紗一疋
紅生絹一疋

裏用大

大紅線羅一件

表用羅一疋
生絹一疋

裏用大紅

青線羅一件

表用羅一疋

裏用青生絹

造完霞帔青線羅實金繡鸞鳳綵繡圈金

雲二副

各色大帶四條

大紅帶三條

青帶一條

紅綿布包袱一條

俱針工局領

世孫

間用銀制同郡王不用印

今革

郡王初封再傳不用印

鍍金銀冊一副

冊匣一箇

冊用銀鍍金二片依周尺長一尺二寸
濶五寸厚二分冊蓋以木爲之飾以渾
金瀝粉璠螭餘同王世子

鍍金銀印一顆

印匣一箇

印池一箇

印用銀卧麟鈕依周尺方五寸厚一寸
三分綠綬印池用銀濶取容印印匣用
木朱漆餞金璠螭紅紵絲襖裏中匣用

銀鈹蟠螭文內置印座四角雕蟠螭飾
以朱漆描金座上用小錦褥褥上置印
池用銷金紅羅小夾袂裏之匣外用銷
金紅羅大夾袂覆之

皮弁服

冕服

常服

俱尚衣監領

冊盥服匣一箇

法服匣一箇

護匣木櫃一箇

銷金包袱二條

俱內官監領

郡王妃

鍍金銀冊一副銀事件全與玉同

金墜頭一頭俱銀作局領

用盞服匣一箇

珠翠七翟冠一項事件全

烏料一副珍珠全

銷金包袱八條俱內官監領

未裁大紅大衫素紵絲一件

鞠衣大紵絲繡圈金翟雞雲來一副

霞帔青線羅絲繡圈金翟雞一副俱針工局領

嘉靖二十二年禮部題每歲封 王妃冊
服冠帔卽令使臣齎 賜王穀等圭徃徃
以成造後期待其奏 請會闕非禮 請
以後 冊封王妃王器諸儀得與冊服同
賜以全禮

制從之

三十二年題

冊封宗室例在十二月卽今北直隸一帶地方
災傷道路艱難恐驛遞缺乏失悞迎送以

致使臣留滯查得

祖宗時

照封亦或在秋冬之間原無定期及查北方二
麥四月始熟臣等擬將

冊封重典四月初旬傳

制遣官出京且合古者孟夏

冊封諸侯之禮此後每歲合無俱照此例題

請施行

欽定

冊封 諸王使臣期限

一山東德府等府山西晉府等府俱限六箇月代府限六箇半月河南周府等府俱限六箇半月陝西秦府等府俱限七箇月肅府慶府限八箇月江西益府等府俱限八箇月湖廣楚府等府俱限八箇月廣西靖江王府限十箇月四川蜀府限十一箇月

更定迎節儀注萬曆四十年奏定

先一日

親王府設

節案于正殿中設

冊

寶案於

節案左右設香案於

節案前至日該府應封

王者并文官長史司以下武官護衛以下

無

則群皆出郭祇迎於迎

恩亭正副使出

節

冊

不開匣

奉安於

龍亭內執事者讚排班班齊行五拜三叩頭禮
執事人役用鼓樂儀仗香亭前導

龍亭至郭門外該省文官撫按以下武官總副
以下皆出郭祇迎執事讚拜叩如前儀至
郭門內城外該府

郡王以下皆祇迎執事讚拜叩如前儀遂前

王國典禮
卷之四
導至公所

親王具吉服迎于公所門外五丈許候

龍亭入公所奉安

節冊

出匣
亭中

正副使侍立于傍

親王具冕服

諸王俱同將軍中尉俱吉服班列月臺上該
府文武官列丹墀下俱行五拜三叩頭禮
班首王出班詣

龍亭前跪問曰

聖躬萬福正使答曰

聖躬萬福復位讚禮畢請問封期各回府軍校
各官俱散該省各官入文官撫按月臺上
東武官總副西三司等官列丹墀行拜叩
禮班首出跪問答俱如前儀復位讚禮畢
而散正副使請

節冊入內收貯封王之日

王等俱冕服宗室等冠服仍至公所請
節冊出匣奉安

龍亭內

王等仍行五拜三叩頭禮

如當日封無此拜叩禮請

節冊到本府殿上行封王禮

親王俱冕服于王門外五丈許迎候正副使俱下馬正使持

節副使捧冊由中門入至正殿以

節冊置于案正副使侍立案之東西本府文武官皆朝服分列丹墀陪拜

王等俱冕服于丹墀上行五拜禮執事引應

封者至東房更冕服

如應封位多俱照序入更

出就拜

位行四拜禮執事導應封者詣香案前讚

有

制讚跪讚宣

冊畢搢圭副使以

冊

寶授

王王受

冊

寶訖俱次第授執事出去俯伏興平身復位行
四拜禮畢各

王俱行五拜三叩頭禮謝

恩畢執事前導

王等至公所門外候

龍亭到公所王等仍行五拜三叩頭禮各回府

正使請

王等仍行五拜三叩頭禮各回府正使請

節入內收貯回日各王具吉服到公所請

節奉安于

龍亭內不開匣又行五拜三叩頭禮而出該省
文武官進拜叩頭禮如前儀執事前導各
王乘馬同送

節至城門外郭門內又行五拜三叩頭禮而回
撫按而下于郭門外亦拜叩頭如前禮而
回 新王與本府文武官至迎 恩亭亦
拜叩如前禮而別事完回還到京赴鴻臚
寺報名畢卽報禮部知會以憑先具印信

手本候朝見畢赴松棚下領光祿寺嚙備
飲賜酒飯仍另具繳

節奏本于

文華殿叩頭迎進赴印綬監繳

節

親王襲封朝賀儀注

設儀仗於露臺上下之東西設大樂於露
臺上東西北向陳金鼓旗於承運門外軍
職官員各守殿及

王城門設文武官拜位於丹墀交東武西設
讚禮官二員於文武官拜位之北東西相
向護從執事等官先詣圓殿後候典服官
啟請

王具冕服訖典儀啟執事者先行四拜禮畢
各就位典儀啟請

王陞殿導引官前導大樂作陞座訖樂止讚
排班引禮引文武官就拜位讚班齊鞠躬
樂作四拜平身樂止引禮引班首陞自東

階由殿東門入至殿中讚跪外讚同讚跪
班首官皆跪班首致詞云某官某等敬惟
殿下襲封之初禮當慶賀如係

王府官則稱臣某等後同內外讚俯伏興引
禮引班首復位讚鞠躬樂作四拜平身樂
止典儀詣

殿中跪啟禮畢樂作導引

王還宮樂止各官以次出

皇明典禮

繳用印

附補給

一

郡王初封給有冊卽其緣事降革者例當繳
奪若薨故而本支盡絕無人收藏者亦當
追繳今後遇有此項通送

親王奏繳不許稽遲留外以滋弊端其有進
封

親王或改封

世子及雖故絕本府尚有人奉祀者止令繳

印不必繳冊

要例

潘王奏宿遷王詮鏞遭火焚冊印請另
更給禮部言冊印雖燬當有鑄銀令封進

勘實補給嘉靖實錄

領誥命附名號謚

凡

王府誥軸舊製

王雲龍

王夫人雲鳳軸嵌七寶後

親郡王生母封夫人者仍給

誥命如舊製

鎮國將軍及夫人用玉軸 輔國將軍及夫人犀軸 奉國將軍及淑人金軸 鎮國中尉及恭人金軸 輔國中尉及宜人角軸 奉國中尉及安人角軸 郡主及儀賓犀軸 縣主及儀賓金軸 郡君及儀賓金軸 縣君及儀賓角軸 鄉君及儀賓角軸 凡各

王府將軍郡主儀賓等

誥命禮部奏

三
國
史
記
卷之四
唯移咨本部類奏撰寫用

實并造祔匣完備該府具奏關領仍候禮部移
咨到日類奏給授

萬曆七年題

唯王府應給

誥命者禮部移咨到部隨即題覆用

實後類送本部收貯遇有該省朝賀官員順便
齎回付各該布政司分發各長史司教授
頒領本部隨將所給軸數行文各布政司

知會取各長史司教授領狀類繳
凡寫

誥勅軸類編勘合底簿若

王府不編號其底簿

王府及儀賓共一扇

各

王府

勅符底簿

制勅房書辦

凡

王府奏

請子名

親王

郡王郡主縣主郡君縣君鄉君封號俱

內閣擬奏請

旨點用禮部抄出施行

俱會典

萬曆十八年題

准各宗併夫淑恭宜安人及郡縣主君儀賓應

得

誥命用

寶之日比照文武官員

誥勅事例用禮科給事中一員前往監用并查

用過軸數併各宗名位移文本部儀制

司覆查相同本部咨行吏部於進

表官事畢回還付與順齋前去給發仍咨回

本部備照其各宗

賜名勅書事在

內府本部難以關領今後各宗

請名本部具題之後卽行翰林院撰擬雙名在
春季題者定於夏季終抄出送部本部卽
便填給勘合通行各

王府知會

萬曆十八年又題

唯以後本部按季類題之後卽將類題勘合總
咨巡撫衙門轉發仍將送到日期咨回查
驗增定事例今一省王府勘合俱不咨

巡撫總一張發布政司

俱要例

迎詔赦

附哀詔

迎勅

凡迎接

詔 赦洪武六年定凡遇

詔 赦至

王國武官隨

王侍衛不出郊外文官具朝服出郊外奉迎

安奉

詔 赦於

龍亭乘馬前導

王具冕服於王城門外五丈餘地奉迎至

王宮置

龍亭於正殿中

王於殿前臺上先行五拜禮畢陞殿侍立於龍亭東側武官護衛文官於臺下自行十二拜

禮跪聽開讀

又定凡使者 欽齎

詔書至

王府王城門外一里遠下馬隨

龍亭由中門靠東邊入

龍亭至殿中使者立於殿外東序西向候行禮
畢使者見

王行四拜禮

嘉靖二十七年題

唯郡王同居一城者迎接

詔 勅禮儀輪遞從尊行著爲定式

萬曆十年議

准行禮次序凡遇迎接

詔赦

親王先率

郡王將軍中尉於殿前臺上行五拜禮畢

親王侍立於

龍亭之傍

郡王等爵分班侍立於臺上俟文武官先行

四拜禮畢

郡王等爵俱同各官跪聽宣讀讀畢仍復原

班候各官再行八拜禮畢以次而遞若

郡王管理

親王府事及另城

郡王管理府事者迎接

詔赦文武官俱於本布政司府州衙門行禮

抄黃送管理

郡王自率宗儀行禮

嘉靖六年例

接哀詔儀註

遺詔到日在外文武官員人等素服白員領烏

紗帽黑角帶皂靴出廓迎接行一拜三叩
頭禮畢衆官步行前導至

王府隨班行四拜禮跪聽宣讀訖舉哀再行

四拜禮各置斬衰服

依禮制

于本衙門宿

歇不飲酒不食肉每日率合屬官僚人等
各于本衙門朝

闕設香案朝夕哭臨三日各十五舉聲而止自
是素服白紗帽白員領腰帶麻鞋通前二
十七日而除命婦就本家設香案素服舉

哀三日各十五舉聲自是仍素通前二十七日而除軍民男女止素服十三日凡代行禮儀萬曆十年議

准各

王府迎接

詔赦及慶賀等項禮儀如

親郡王年老有疾不能行禮者先期奏請世子長子代行其府中諸務仍自行管理不許

世子長子干預以起釁端若

王果患篤廢之疾勢難管理者具奏行勘明

白請

勅世子長子代理

萬曆十二年

崇王翊

爵

奏有疾不能行禮

世子常

良

夭

亡所生一子甫及二歲乞令庶二子南

陽王常澤代行禮儀該本部題

准令

南陽王代行伊孫長成

請封卽行退避

迎勅儀注

洪武十八年定凡有

特旨

御筆至

王所則遣官於郊外迎接設香案於殿中候

使者至

王宮門外

王出迎使者以

聖旨置殿上香案導引啟

王四拜興詣香案前使者以

聖旨授

王王跪看畢仍置于案俯伏興復位又四拜

禮畢各官不必陪班

接勅同

迎曆

洪武十三年定以九月朔日進
三十五年改十月朔日進

洪武十八年定

親王受曆每歲九月初一日欽天監進次年

曆日頒訖卽遣使者齎曆至

王國長史司官先啟聞設香案於殿上

王常服出殿門迎接使者捧曆詣殿上置於案退立於案東引禮引

王詣前讚四拜讚跪使者取曆立授王王受訖以授執事者復置于案讚

王俯伏興再四拜禮畢

會典

今

賜曆不遣使惟布政司進送亦照此禮行

諭使

凡朝臣奉使至

王府或因使經過見

王並行四拜禮雖三公大將軍亦必四拜

王坐受之若使臣道路本經

王國故意迂迴躲避不行朝

王者斬

凡

朝廷使者至

王國或在

王前或在

王左右部屬處言語非理故觸

王怒者決非

天子之意必是朝中姦臣使之離間親親

王當十分含怒不可輒殺當拘禁在國朝問

真情遣人密報

天子

天子當詢其實姦臣及使俱斬之

以上俱祖訓

永樂八年奉

太宗皇帝聖旨各

王府糧有數的他支費也大

朝廷差使人員及經過到府的都要王每賞賜
王那得許多錢糧答應他若與他的便說
王好若不與他的便說王不好若是

朝廷有分曉的不聽他說便拏問罪使他的奸
計不得行全親親意思多少好處若是

朝廷無分曉的聽他說便離間了骨肉正中他

的奸計好生不便當恁禮部便寫啟本各
王知道今後

朝廷一應差使人員及經過見的官員一應人
等或與他酒醉飯飽便罷或不與他也罷
不要賞他物件

天順三年

諭各

王府曰先於正統十三年因內外官員人等
差去

王府多有不遵禮法求索財物以致

王府措辦艱難甚失親親之義已勅該部通行各處三司巡按御史等官許令體察具奏挈問治以重罪及致書各處

王府知會以此人不敢犯近年以來差去官員視爲泛常畧無忌憚况

王府財物有限豈堪如此費用今後但有遣去内外人員到府除飲饌之外一毫財物不可與之若有無知之徒不顧廉耻求索

財物者事發仍照正統年間事例正犯處
死全家邊遠充軍

成化二年申戒出使

王府官毋受宴餽

成化三年定凡京官公差道經

王府報名見辭如遇朔望三司等官至府候
見公差官員亦詣府隨班行禮若進表祭
祀等項不必隨班

會典

嘉靖二十六年禮部覆御史吳相議

冊封遣官務求端重老成者如侯伯數缺卽於
國戚都指揮內簡用侍衛團營侯伯不得
圖差各爵在任空閒曾奉差一次者必隔
二三年然後再差其隨從止帶一人如有
騷擾濫受者聽長史及有司申呈巡按御
史叅奏罰治

詔可

嘉靖四十五年更定

冊封遣使臣

親王正使仍用勲爵外其

世子 郡王則以翰林坊局六科尚寶及卿
寺五品以上官爲正使以部寺屬官中書
行人等官副之若差多人少就近併差不
得槩用各卿寺及部屬官其致祭

親王亦止用尚寶等官部寺各屬毋有所與
萬曆九年該禮部題

請官

冊封奉

聖旨差出各官都着遵照近

旨安靜省約如有分外需索騷擾地方的着各撫按官叅來處治

三十三年本部復題侯伯駙馬爲正使科臣爲副使事畢科臣卽與勛臣一同出城如正使仍襲陋習需索餽遺副使科臣糾之科臣不糾禮部糾之著爲定規奉

聖旨以后冊封親藩着用科臣爲副有仍前坐索卽行糾劾著爲令

勤美曰夫諸侯無生貴者禮天子遣大行人至列國錫以嘉命衮冕黼黻皆自王所昔齊桓不敢貪命于遘顏而晉侯預卜并躬于受王則敬者德之與也一命而僕再命而俯三命循牆而懼古大夫士已然矣况維城乎

三國典禮

卷之四

聖

一

三國典禮卷之四終